


叢書集成續編 第一五〇冊目錄

文學類



詩文別集——明

愁言一卷附集一卷 (一名芳雪軒遺集)	明 葉執紉著	卮 園	一
返生香一卷附集一卷 (一名疏香閣遺集)	明 葉小鸞撰	卮 園	二五
張文烈遺集六卷附錄一卷	明 張家玉撰	滄 海	五九
靈護集一卷附集一卷	民 張伯楨編輯	邨 園	一四三
豐草庵詩文集二十七卷	明 葉世俗撰	邨 園	一七七
豐草庵詩集十一卷	明 董說撰	吳 興	一八〇
豐草庵文前集六卷			二五四
豐草庵文後集二卷			三一四
寶雲詩集七卷			三五九
禪樂府一卷			四四六
張蒼水集九卷附錄八卷	明 張煌言撰	明 明	四四七
林衣集六卷	明 秦舜昌撰	明 明	七三五

秋

言

集

序

婦女之事內則備矣櫛縱笄總外所佩帨刀礪鴈金燧箴
管線續繁衿纓綦屨之屬爰迨醴酒醴芼羹藜麥棗
栗飴蜜薑苴粉榆兔薨者靡不滌瀝以滑之而不及乎文
章歌詠文章歌詠猶之錦繡纂組害女紅者也顧大小二
戴昔稱傳會而十五國風自西河被服槩可邇焉黃鳥金
疊垂微后似肥泉簾竿標芳衛女澣衣匪石寫怨之原飛
蓬樹諒紆懷之祖大聖人察性考質在所不廢載揆上古
有娥皇娥真履未晰然聲音被乎閨閭則由來尙矣余內
人解詩并教諸女文彩斐亶皆有可覽觀焉越自玄默渚
灘紀年辰會析木季女小鸞芝焚寶碎摧桃折李余爲檢

愁言序

其遺香零玉付之梓人庶乎采蠹將苕竝傳焉爾殺青未
半又有長女之變逢此百凶命矣如何展其篋笥篇什無
幾手自錄本題曰愁言遂竝台刻共成帙卷嗚呼詩以愁
著詎忍言哉曹子建曰愁之爲物惟惚惟恍召之弗來推
之勿往粉飾不澤兼肴不肥火石不消神膏不稀巧笑不
悅絲竹增悲甚矣夫愁之難釋也我女自十七結褵今二
十有三歲而妖七年之中愁城爲家張衡之所未探繁欽
之所莫引覩飛花之辭樹對芳草之成茵聽一葉之驚秋
照半床之落月歎春風之入戶憎夜雨之敲燈悲塞雁之
南書悽霜砧之北夢泣芙蓉之露露怨楊柳之啼鶯悵金
爐之夕爰泣錦字之晨題愁止一端感生萬族左貴嬪之

詠離思政予望之班婕妤好之賦自悼傷哉悴矣故夫靈修
數化君臣也周道茂草父子也鬱陶余心兄弟也黃鵠遠
別朋友也凡厥五倫咸臻一焉而閨房幃屏之間獨無以
寄其欲歎忤悒之致乎哉此愁之所由寓乎言也自附於
謝道韞之憾云爾已矣他如我女懿行芳躅孝恭端恪茲
弗詳論論其爲愁言者如此幸覽者哀其志而金石焉死
不朽矣

愁言序

三

吳江 葉氏執執昭齊 著

五言古詩 四首

春日看花有感

春去幾人愁春來共娛悅來去總無關予懷空鬱結愁心
難問花階前自悽咽爛熳任東君東君情太熱獨有看花
人冷念共冰雪

即此一詩一字一淚大概已見無限愁思不必更說矣
王夫人胸懷自窄耳相去何啻天淵那得不死傷哉傷哉

題瓊章妹疎香閣

妹自有曉起之作即題閣上
亦邀余作漫拈壁一笑也

朝霞動簾影紗窗曙色長起來初捲幕花氣入衣香中有

愁言

傾城姿春風共迴翔玉質倚屏暖瑤華暎貌芳佳人眞絕
代遲日照新妝還疑瓊姓許獨坐學吹簫

秋日睡起感悟

睡餘晚色上四壁蛩聲秋涼月滿庭白寒燈一點愁眇眇
猶若夢恍惚又謂起醒夢若俱非不知何所似慨然長歎
息生死即如此

冬夜有感

疎雨滴寒庭幽風弄簷鐵獨坐何寥寥寒燈靜翻閱浩然
起感歎慷慨向誰說

即是看花之意夜坐翻閱更
有不翻閱者何人能無浩歎

七言古詩 五首

四時春歌 同兩妹次
母韻作

東君遍把香塵浥枝頭處處春光及閒心踏草草徧芳淚
眼看花花盡溼深閨簾捲日長時羅衣乍試春風急游絲
路上自鞦韆獨坐幃香屏影澁清明寒食斷腸天可憐繡
陌遊人集畫橋煙暖漲晴波武林花泛漁舟入黃鸝曉
燕呢喃揉碎韶華餘幾十一番風雨過欄前滿庭紅紫空
相拾

夏

碧梧垂蔭薰風起餘花落盡蒼苔紫無端佳節過端陽幽
香馥郁飄蘭芷一樹榴花妬絳裙滿階萱草搖黃藥池塘
過雨芰荷鮮魚紋吹浪翻沙沚轆轤聲轉粉牆西小鬟煮

愁言

茗花陰裏寂寂重簾深院幽玉肌無暑涼如水夢起瀟湘
枕簟閒冰綃霧縠愁羅綺日落滄江罷採蓮明月東山景
無已

秋

蘅皋軟軟秋聲度鴛鴦瓦上光浮露嶂峭西風吹薄寒皎
潔清光憐玉兔菡萏含愁香半消芙蓉暎水嬌還憐河漢
迢迢夜未央刻燭裁詩醉飛羽庭前幽桂數枝黃窗外蕉
聲滴疎雨秋意蕭森幾處悲平林漠漠凝煙樹天涯搖落
舊青山惟有澄江流日暮催人絡緯太無情閒愁空淚機
中素

冬

霜冷深閨閒畫刻紅爐擁遍寒猶惻長天噉雁書哀籬
花零落黃煙織北風颯瑟憂枯條悽雲四野迷江國一夜
瓊花處處飄紛紛落葉空庭側簾外葳蕤玉樹多曉來添
遍千村色粧成呵手試敲冰忽映晴嵐新翠逼愁來最苦
寒時候高樓欲登怯無力獨有黃昏瘦影橫隴頭人去傳
消息

送瓊章妹于歸

畫堂紅燭影搖光簫鼓聲繁遠玳梁頻傳簾外催粧急無
語相看各斷腸鸞臺寶鏡生離色鴛帶羅衣惜別長香靄
屏帷凝彩扇風輕簾幕拂新粧新粧不用鉛華飾梅雪絲
來羞並色傾國傾城自絕羣飛瓊碧玉驚相識相顧含情

愁言

淚暗彈可憐未識別離難遙遙此夜離香閣去去行裝不
忍看欲作長歌一送君未曾擗管淚先紛追思昔日同遊
處惆悵於今各自分昔日同遊同笑語依依朝夕無愁苦
春閣連几學弄書秋床共被聽風雨更憶此時君最小風
流蚤已仙姿媚雪句裁成出眾中新詞欲和人還少往事
悠悠空自思從今難再不勝悲休題往日今難再但願無
愆別後期別後離多相見稀人生不及雁行飛杳杳離情
隨去棹綿綿別恨欲牽衣戀別牽衣不可留揚帆鼓吹潮
中流可憐此去應歡笑莫爲思家空自愁

詩成而妹死妹死而身隨死豈知一首催粧竟
作兩邊鬼話天壤之間如何有此慘事異事
五言律詩十一首

午日感懷

雨重梅初熟庭樞暎眼開扇裁明月影蒲切片香堆遇節
驚時變懷愁對景哀傷心聊泛酒日暮更徘徊

秋日書懷

落魄長如夢憂來喟滿膺眾人皆若醉舉世更難澄紺髮
向秋暮白雲無路登悽悽對搖落臨眺一閒憑

無一時不愁無一語
不忍實實鬱死傷哉

秋日村居次父韻作

秋氣多懷慄看山自引醪露寒窗下竹葉落井邊桃藥薛
依欄秀層雲出岫高古今搖落盡流水獨滔滔
羅幃光可鑒明月洞房開木榻藏書卷疎花對酒杯但聽

愁言

四

蟬漸寂不問雁初來蕭瑟西風裏憑几自快哉
西園聊佇望萱草一庭分石壁堪題畫藤床可卧雲聽蛩
深獨坐看雁惜離羣無限臨風意鐘聲入夢聞
荻花兩岸晚秋色曠無邊薜荔裁衣淨煙霞入佩鮮魚書
江上水蝶夢故園天萼菜新堪寄家風五柳偏
浮生俱是夢堪歎笑狂夫自有清幽僻嘗嫌世俗途捲簾
除落葉引水拂銀轡江上煙波渺秋來接五湖
幽居甘寂寞白眼任相看細雨蒼苔溼西風木葉乾征人
千里月閨怨萬家寒獨有蕭疎趣花前意渺漫
風月逢秋美村聲入夜悠鳥驚棲復散螢冷度還休幾處
江帆落三更畫角愁良宵清不寐秉燭上南樓

細風吹遠樹秋色滿松關午睡方消枕斜陽又遠山但憑
書帙隱自識綺羅閒回首碧雲杳虛庭夜月間

病中

西風滿庭樹黃葉亂雕楹草謝傷心色雲飛故國情病中
消短夢愁裏過浮生搔首獨長歎寒花落晚英

七言律 四首

梨花

家有舊室微甚余稍修葺之求一齋名於老父
父曰汝庭外梨花數樹今如此老幹蒼枝皆汝
太翁手植也我昔與汝翁嚼花醉月其下今杳不
可得矣王融梨花詩有芳春照流雪之句可名芳
雪軒余因漫
作二首呈父

亞粉濛茸透箔融盈盈流雪綴芳叢窗前長鎖三春月林
下相尋一逕風夢對池塘春草碧香飄庭榭暮煙空新來

愁言

五

幾陣黃昏雨門掩愁消玉鏡中

燕語鶯啼寒食天紅粧不學露桃鮮清含瑤藥飄香雨淺
放瓊絲拂素煙曉月蕙蕤侵冷豔夕陽縹緲弄輕妍芳魂
若應能憐我寂對東風共愴然

庚午秋父于京中寄詩歸同母暨兩妹賡作

讀罷家書反更嗟可憐歸計又應賒愁心每幸人皆健望
眼頻驚物換華淚向來詩長自落夢隨去雁幾回斜天涯
客邸惟珍重但願加餐莫憶家

傷哉每幸人皆健一時喪
二女矣字字堪墮血淚

初秋感懷

忽忽悠悠日倚樓不堪蕭索又逢秋流年冉冉侵雙鬢長

夜漫漫起四愁舊事經心空染淚壯懷灰去謾凝眸唾壺
擊碎還搔首泣向西風恨幾休

壯懷灰去情可知矣豈無天際
想者看得事都休那得不恨

五言絕句 七首

立春

綵勝簪春鬢東風遠故枝草煙薰細絲弄影日初遲
臘向愁中盡春從夢裏來忽驚雙紫燕獨上美人釵

閒居卽事

雨後碧苔長春歸綠蔭濃楞嚴閒讀罷殘日下窗櫳

晚景偶成

遶砌草花媚當窗夕景鮮白雲不復去相與共畱連

愁言

六

秋思

井桐黃葉墜秋思入重樓無限樓中意悲秋不爲秋

夢中思隱作

有恨隨流水無緣去入山登樓空極目惟羨白雲閒

題畫

小石連衰草寒松倚翠苔籠香凝望立欲去若徘徊

七言絕句 六十四首

元宵

碧天金鏡忽飛來處處紅粧繡閣開遙想千門燈火夜笙
歌十里盡銜杯

閨情 十四歲作

薄羅初試柳初黃寂寂深閨春晝長
陌頭風暖清明近睡起無言倚繡床

春日感懷

簾幕低垂掩洞房綠牕寂寞鎖流光
近來情緒渾蕭索春色依依到海棠
羅袂消殘舊日香啼痕幾度溼年芳
無情懶向東風立有恨誰憐一夢長

春恨

不見春光明戶外但聞時節又花朝
連宵風雨重門掩魂斷江南不可招

暮春赴嶺西途中作

丁卯

愁言

七

煙樹重重迷故鄉雲山疊疊恨偏長
不知何日是歸日是日聲聲最斷腸
故園別後正春殘陌上鶯花帶淚看
何處鄉情最悽切孤舟日暮泊嚴灘

暮春

暖日遲遲風正柔疎簾半捲影悠悠
鶯啼燕語春歸去草綠花紅人自愁

寄妹

何事寥寥音信疎故園春色近何如
相思不啻經年別舊約堪憐已是虛

初夏懷寄兩妹

別來萸萸一番新笑語分明入夢頻
景色清和獨惆悵含情幾度欲沾巾

七夕詠牛女

玉樓瓊院暮霞明迢遞河橋鵲駕成
只恐嫦娥容易去殘機重理恨難平
拂鏡開奩畫翠眉粧成人出紫雲帷
一宵相晤經年別最是歡時獨更悲

秋思

塞雁初飛月滿樓可憐回首又如鉤
芙蓉落盡秋江冷腸斷年華去不留

砧杵年年擣素秋洞庭木落恨悠悠
西風塞下征人怨明

愁言

八

月樓中少婦愁

秋日偶題

近作

一番搖落一番嗟咫尺天涯夢裏家
莫道秋來不憔悴滿庭都是斷腸花

暮秋夜雨獨坐

漏永香消夢不成西風落葉斷腸聲
寒燈挑盡重門掩寥落悽然此夜情

騷體

暮秋有感別家

感西風之搖落兮奈愁來以填膺
桂猶芬而菊芳兮悵離恨之難勝

寄瓊章妹

前日別後登舟汾湖風景可玩惆悵不能相同偶成二絕

平波萬頃澄如鏡煙樹參差兩岸分回首故園何處是不
堪腸斷不同君

木杳初收楓葉乾斜陽幾樹暮光寒蕭疎一片滄江晚惆
悵臨風獨自看

此即九月五日別
妹去後之作也

悼婢繡搖王中
春日

數載依依共曉昏薰衣籠畔最溫存可憐風雨催零落惆
悵屏前空斷魂

哭亡妹瓊章十首

病裏俄驚報訃音狂風號野正淒陰歸來哭向殘粧處冷
月寒花滴淚深

愁言

九

別酒同傾九日前誰知此別即千年疎香閣外黃昏雨點
點苔痕盡黯然

此別千年只七十
日耳傷哉傷哉

自喜均非脂粉羣笑談風月共羅裙可憐雁羽傷零落庭
樹蒼蒼怨白雲

顰花寂寂藥初寒誰向簾前握手看風景不知人有恨月
明依舊畫欄干

蕉冷翻風剪寸心琅玕夕照影沈沈年來分袂還惆悵況
復今朝夢裏尋

纔賦催粧卽挽章蒼天此恨恨何長玉樓應羨新彤管畱
得人間萬古傷

蒼天此恨
復爲自寫

月落青軒徹夜光寒桐冰井對銀床遶陽化鶴何時返仙
路無憑總渺茫

數載相依姊妹情一朝霜露別離輕瑤琴空怨思歸引書
卷誰將再品評

雲海茫茫隔夜臺重關畫掩鎖蒼苔彩雲日逐吹笙去玉
骨千秋恨不開

黃埃蕭索草煙粘草色從今帶淚霑斷盡迴腸難再續漫
將枯管病中拈

此十一月作也病猶未甚尙能握管詎知遂
爲絕筆今又爲妹哭乎生死之際豈不痛哉

梅花十首

愁言

十

風飄竹外玉珊珊冰骨稜稜不耐寒贏得騷人無限意夜
深獨自倚欄干

瀟灑前村對落暉含情雙黛怨江妃無端羌笛高樓奏月
下氤氲作雪飛

黃昏深院月溶溶小立迴廊情興濃憶得江南曾寄遠半
含香霧半煙籠

日暮霏霏細雨斜數枝低亞碧牕紗高情不與梨花比清
韻堪羞桃李華

春來裁練遍江南薄霧濛濛映翠嵐寂寞東風多少恨依
依和月照清潭

霜雪無情幾度侵亭亭秀出歲寒心揚州何遜曾畱戀惆

悵離騷不入吟

幽姿不引蝶窺忙
簾外愁看芳草長
薄倖東風初作惡
玉英吹落斷人腸

羅浮夢裏最風流
月落參橫萬種愁
別後香魂應化蝶
年飛向嶺頭遊

玉貌檀心不許猜
夜寒長共月徘徊
角聲嗚咽霜天曉
縹緲香魂到鏡臺

春風消息入南枝
淡靄霏霏籠素姿
瘦影不禁傾國笑
氤氳無限暗香時

玫瑰花

小院春歸日正遲
庭花新豔發葳蕤
暖香芬馥添幽夢
嫩

愁言

紫葳茸鬬翠眉

日麗風和花影飾
香魂寂寂露華滋
可憐朵朵枝頭豔
不似沈香帶笑時

曉餘初日映霞姿
鮮豔看來誰似斯
寂寞小庭春去後
倚風含笑索新詩

木香花

春事闌珊蝶怨嗟
小庭花信到瓊芽
翠條裊裊垂成幄
穠李荼蘼敢自誇

蝴蝶花

黛色輕勻幾樣姿
不翻夢粉向高枝
參差偏繞羅裙簇
舞遍春風花落時

金桃

濛茸斜倚湖山畔
色妬佳人額上粧
檀藥自憐遲日豔
不隨春日鬪紅芳

洛陽花

小小仙葩五色裁
娟娟纖質傍蒼苔
誰人賈誼牕前過
摘得才人繡彩來

茉莉花

江城五月笛聲秋
似落梅花帶雪浮
日暮風清開徹處
月明香浸一庭幽

紫茉莉

西風吹出魏家粧
日落鮮鮮燦錦房
麗色已參紅豔貴
香

愁言

魂應妬玉蕤芳

夜合花

玉質幽情翠作蛾
多情不羨夜舒荷
南薰寂寂吹濃麝
深院飄飄著素羅

蜀葵

名花綽約同芳槿
灼灼霞姿勝露蕊
翠萼含嬌羞黛色
錦江春色剪輕綃

秋海棠

盈盈掩婢倚階前
妬殺新粧鏡裏妍
盡日含嬌映秋色
斷腸無語帶人憐

秋芍藥

綽約芳姿韻若仙曲欄低護小庭前自憐不學東風贈笑倚清秋籠淡煙

菊花

嬌黃豔紫不尋常秋色盈盈澹曉粧薄暮風清簾欲捲若憐憔悴怨斜陽

竹枝詞十首

湖月團團湖水清春來春去幾陰晴不知多少風波起斷送行人白髮生

綠樹陰陰繫釣船漁簑常掛夕陽天門前野色時時好湖上鱸魚歲歲鮮

繞岸青青楊柳枝煙絲長向白鷗歛臨流盡日垂金縷不

愁言

圭

向春風贈別離

平野春深開遍花花開花落過年華不知歲月將人老但見溪流日又斜

秋來菱芋味新鮮雪白銀魚更可憐八月良宵堪賞處一村燈火月當天

白蘋煙盡蓼花紅一片秋光似鏡中牧笛晚來何處發數聲鷺落半天鴻

霜染楓林葉半疎碧天寥廓雁來初家家煮蟹沽村酒遇得豐年樂有餘

兩岸西風蘆荻花一溪煙樹幾人家漁翁曉起將拋網渡口移舟日正斜

黃雀來時蟹正肥寒蟬催織欲成衣江頭白日西風急野老田間望黍歸

湖水微茫遠接天繞天低樹碧于煙湖邊芳草年年綠天際征帆日日懸

詞十三調共四十七首

點絳脣

早春有感

小院黃昏一庭淡月人聲悄梅花開了春信知多少又是一番芳草天涯道傷懷抱年年憔悴不似春歸早

又

往事堪傷舊遊綠遍池塘上閒愁千丈暗逐庭蕪長自古多情偏惹多惆悵添悵愴寒宵淡月一片淒涼況

愁言

古

浣溪紗

春恨

窗外梅花落素英隔簾啼鳥弄春晴斷腸芳草又青青獨倚畫鸞愁日暮半籠金鴨怯寒生閒思心事暗傷情

又

幾日輕寒懶上樓重簾低控小銀鈎東風深鎖一窗幽書永半消春寂寂夢殘獨語思悠悠近來長自只知愁

又

風雨閒庭鎖寂寥又看春色一分消翠屏斜倚思無聊夢覺情踪無處問問來心緒最難描殢人殘病恨今朝

書永半消春寂寂夢殘獨語思悠悠近來長自只知愁情踪夢來心緒一種傷神

又

清晝沈沈掩碧紗困慵梳洗髻鬆鴉蔥爐閒裊篆煙斜
剪剪輕寒生繡戶霏霏細雨著庭花一窗新夢晚風賒

又

憔悴東風鬢影輕年年春色苦關情消魂無奈酒初醒
啼鳥數聲人睡起催花一霎雨還晴斷腸時節正清明

又

芳草依依道路斜白雲何處是仙家空餘遠碧暮天賒
紅淚滴殘清夜月夢魂長繞淡梨花幾番臨鏡黯傷嗟

又

昨夜輕寒透薄羅曉來微雨忽相過紅英一半已看無
好句漫成嫌未切那知總爲恨難模日長雙黛奈顰何

愁言

好句漫成二語宋人
道不出情深怨深

又

正是黃昏欲斷疑不堪簾外雨餘聲倚屏愁絕最難聽
紅燭來時朱戶掩篆香消處翠爐清又看新月照疏櫺

又

寂寂重簾晝影沈綢絲牽恨入愁吟淚痕和夢怨春深
羅袂暗鬆金縷扣惜花潛減舊時心小樓幾日怯登臨

又

燕子初來壘故巢曉鶯啼恨更添嬌一春都是等閒拋
不怨滿庭風雨惡只教終日夢魂消東風空鎖綠楊腰

風雨作惡歸于不怨有小雅
風人之致矣然怨正自深

又

一段春慵曉鏡中怕聞花氣入簾櫳夜來思遍舊情踪
粉蝶迷殘烟草綠晚風落盡海棠紅凭欄千里暮雲重

又

日日枝頭墮粉香東君何事苦匆忙鳥啼花落送韶光
淚蹙翠山情杳杳悶連青海思茫茫含顰無語立斜陽

悶連青海何等悶
法那得不死傷哉

又

閒悶閒愁不自持幾回消盡又如絲小庭惆悵日遲遲
細雨斜風寒食後子規殘月夢回時此情試問有誰知

又

愁言

闌草亭邊事已遷畫欄花影只依然紫簫淒淒斷綠牕前
寥落春深人病酒蕭條香徑柳垂烟東風回首總堪憐

又同兩妹戲贈
母婢隨春

楊柳風初縷縷輕曉粧無力倚雲屏簾前草色最關情
欲折花枝嗔舞蝶半回春夢惱啼鶯日長深院理秦箏

其二前閱與妹同韻
以未盡更作再贈

翠黛輕描桂葉新柳腰嬈娜襖生塵風前斜立不勝春
細雨嬌聲羞覓婿清臚粉面慣嗔人無端長自惱芳心

又新竹

百尺高抽出畫牆娟娟含粉秀冰霜靜臨深院日初長
翠靄濛濛空籠曙色清陰搖月照宵涼南薰池館占風光

菩薩蠻代聞人

羅巾拭遍傷春淚夜長香冷人無寐獨坐小牕前孤燈照
黯然關情雙紫燕腸斷鴛鴦伴無奈武陵迷恨如芳草

又春閨

輕風庭院將寒食海棠雨過嬌無力春思暗縈人春愁更
斷魂夢迷芳草遠殢酒屏山掩蝴蝶撲花忙深閨日正
長

又早春日暮共兩妹坐小閣中時
風竹蕭蕭恍如秋夜既焉賦此

遲遲暝色籠庭院小牕靜掩香猶暖風弄竹聲幽蕭蕭却
似秋愁懷長自訝共語憐今夜舊意與新情湘江未是

愁言

北

深

寂寥小閣黃昏暮依依恍若天涯遇牕外月光寒映窗書
幾副話長嫌漏促香燼應須續幾種可傷心訴君君細
聽

又感懷

茫茫春夢誰知道綠楊一霎東風老自恨枉多情浮塵長
苦憎草堂青嶂繞曲岸溪聲小何日遂平生相攜上玉
京

憑君莫問煙霞路悠悠總是無心處人世自顛狂空驚日
月忙萋萋階下草日日階前遶切莫繫閒愁閒愁無盡
頭

又和老母
贈別

樽前香燭消紅燭可憐今夜傷心曲衫袖淚痕紅離歌淒
晚風匆匆苦歲月相聚還相別腸斷月明時後期難自
知

又秋思

蒹葭一望連天碧蘼蕪消盡傷心色孤雁正橫空夕陽更
又紅煙波多少事難作歸山計秋浪拍堤寒浮生共渺
漫

三字令詠香撲

疑是鏡又如蟾最嬋娟紅袖裏綠窗前殢人憐羞錦帶妬
花鈿蘭浴罷襯春纖撲還拈添粉豔玉肌妍麝氣氤香

愁言

六

馥郁透湘縑

玉樓春立

微雲日暮庭花紫一葉飄輕淡羅綺扇驚長信泣佳人山
冷蒼梧悲帝子樓前莫問相思字深院螢飛照砧杵西
風燕去幾時歸秋夢芙蓉江上水

踏沙行暮

花落閒庭春歸小院沈沈嫩綠鶯初囀晝長人盡掩重門
榜嚴讀罷花陰轉清思幽然塵情盡遣一簾幽靄東風
晚數聲啼鳥欲黃昏滿階月影澄澄見

又

粉絮吹綿紅英飄綺又看一度春歸矣子規啼破夢初醒

凭欄目斷傷千里 塵世堪嗟流光難倚浮生冉冉知何
似舊遊回首總休題斷腸只有愁如此

又 秋海棠

媚暈輕粧芳姿映砌檀心一點清香細對人無語似凝羞
嫣然風韻多流麗 酒意將酣柔情欲繫盈盈泣向西風
閉只愁人夢月寒時斷腸無那燈前睇

蝶戀花 秋懷

盡日重簾垂不捲庭院蕭條已是秋光半一片閒愁難自
遣空憐鏡裏容華換 寂寞香殘屏半掩脈脈無端往事
思量遍正是消魂腸欲斷數聲新雁南樓晚

繫裙腰 秋懷

愁言

九

窗兒半掩簾兒清庭兒靜袖兒輕春兒老去傷情景兒明
愁懶把步兒行 黛兒蹙蹙髻兒傾欄兒倚悶盈盈萋萋
絲草兒迷斷歸程歎聲聲只贏得病兒成

滿江紅 秋思

桂苑香消芙蓉老白蘋浪起又漸是寒煙古木夕陽流水
玉笛悲涼秋旅怨金砧淒楚關山思看斷霞明月照涼輝
黯凝倚 詩酒興消殘矣愁與悶偏無已念啼鶯別後水
雲煙瀾惆悵不通天際信江南風景空如此聽秋聲蕭瑟
夜蛩清心如死

秋色澄清煙光淨碧天寥廓正此際悲涼滿目歲華搖落
鏡裏流光私自惜瑤臺無路愁難託奈新來秋鬢不勝悲

渾蕭索 問何處堪棲泊想蕙帳悲猿鶴更疏籬叢菊草
堂風簾無奈都成虛負了塵勞客夢何時卻被西風消息
暗驚心空思著

又 閨雁

梧葉飄翻花陰轉露華明月風正起深閨乍冷羅衣寒怯
絡緯啼寒催短夢怨蛩聲咽悲長別歎可憐回首又關情
新鷓鴣 憔悴盡清秋節增悵望腸如結見幾行征雁錦
書周折淚落西樓飛不定音傳塞北渾難說問天涯歸去
是何時情淒切

鎖鵲寒 憶妹

愁言

丰

蕭瑟西風啼螿滿院轉轆轤聲歇流螢暗照歸思頓添淒切
更那堪近來信稀盈盈一水如迢迭想當初相聚而今難
再愁腸空結 從別數更節念契闊情悰驚心歲月舊遊
夢斷此恨憑誰堪說漸江天香老蘋洲征鴻不向愁時缺
待聽殘暮雨梧桐一夜啼紅血

玉蝴蝶 感春

滿目韶光明麗東風拂拂花影悠悠簾捲重樓十二禁火
初收草青青遊人金勒春寂寂深院銀鉤暗香浮誰家陌
上幾處津頭 凝眸天涯信斷王孫何處閨夢多愁雙燕
無憑日長凭遍小紅樓對鶯花滿懷幽怨臨寶鏡幾許情
柔空消受月寒錦帳香冷衣篝

天氣困人時節寒輕暖淺煙媚雲流十里春風消瘦酒殢

簷鈴敲鐵琅玕折玉聽殘更漏淡月疏簾小庭曲檻且還
樹酒算從來千古堪悲何用空沾衫袖
補遺

壽祖母七袞 己巳

僊院春光媚華堂羅綺陳斑衣膝下繞芝草檻前新佳節
稱眉壽芳樽祝萬春絳桃齊獻罷玉管奏聲頻

詩題祖母處笥稿上竟不及錄故梓時亦遺
失頃端完祖母翻閱刻本始憶之檢出讀此

無題

曲沼紅香歇平欄綠水清無邊秋色在俱是夢中情
蝴蝶飛飛亂梧桐日日殘羅衣不耐冷明月好誰看

菩薩蠻

愁言

三

綠綃笙冷秋光老斜陽護住花枝小薄夢楚天雲英英簇
素裙 蒲塘流水緩楓葉新紅短人在暮凭欄西風莫驟
寒

二詩一詞寫一白帳上疊羅衫中
頃間箱檢其故衣典賣供拾得之

愁言集終